

魯山縣志卷二十四

原任山東博山縣知縣偃師武億

同纂

魯山

蘇州縣餘杭董作棟

姓女傳

金

張潛妻孫氏

金史張潛傳潛字仲升武清人幼有志節慕荆軻聶政爲
人年三十始折節讀書時人高其行諺曰張古人後客
嵩山從仲振受易年五十始娶魯山孫氏亦有賢行夫婦
相敬如賓負薪拾穗行歌自得不知其貧也鄰里有爲潛
種瓜者及熟讓潛潛弗許竟分而食之嘗行道中拾一斧

夫婦計度移時乃持歸訪其主還之里有兄弟分財者其弟曰我家如此獨不畏張先生知耶遂如初天興間潛挈家避兵少室乃不食七日死孫氏亦投絕澗死焉

明

宗胤芳妻江氏

明史藁列女傳江氏宗胤芳妻崇禎十五年流寇之亂與長男進士麟祥妻袁氏率孫女孫婦九人登樓命俱懸於梁視其已死乃引刀自刎

明史列女傳宗允芳妻江氏魯山人子麟祥進士流寇之亂江與麟祥妻袁氏率孫女孫婦九人登樓俱懸於梁視其已死乃引刀自刎

案王志載江氏殉節亦同明史考傳文稱江與麟祥妻袁氏率孫女孫婦九人俱懸於梁較明史藁命俱懸於梁句刪脫一命字似江亦投環矣宜從明史藁文補出

右史傳

楊禮妻李氏

李時中撰李氏墓誌氏本縣白象保人年甫及笄歸禮禮卒李守志自持撫二孤卒有成立又善於持家產豐倍於夫存日魯士品女之真純勤儉者必以李爲稱首

節婦楊氏

見隆慶四年魯山縣主簿曹嘉訓儒學教諭張自高訓導邱崗邢潮祭文碑惜其夫家已不可考矣

袁印綬妻劉氏

袁印綬妻劉氏嫁未數月印綬病卒氏斷髮誓死水穀不入口相繼而殞面色如生異香滿室見烈婦合葬墓碑崇禎四年立

國朝

徐名新妻王氏

郭如量撰節婦王氏貞烈碑生員徐名新之妻事舅姑以孝聞姑歿于疫氏喪葬盡禮其夫名新亦相繼而亡哀毀幾不欲生念子在襁褓中猶撫孤以相依無幾子亦殤氏慟哭曰天其絕我乎未亡人不欲遽亡者以其撫孤之成口而孤且口矣不死何待搗地呼天口踊口血淚夜暮自

繼子亡夫柩前時康熙三十有一年十一月口日也時年二十有六歲

宋張氏

宋張氏住 里劉家庄見乾隆二十一年旌表貞烈坊碑文云此卽段店張琳長女也十四歲童養宋門十九歲始成夫婦夫祖居城北宋家村因窮困無賴移居劉家庄與夫姑同爨未幾夫姑長逝始出別立烟火不數月竟遭橫天雖因強暴亡實未爲強暴汙也事聞得旌惜不詳其夫名

杜長林妻陳氏

杜長林妻陳氏住 里 庄王巨源孝婦傳婦陳氏歸

杜氏婦道甚恭自翁廣南之行家愈窘氏終夜紡績以助
不給凡舅姑衣履必求鮮好供膳殽尤豐潔孝養肫誠二
十年舅姑頤笑自適其樂也既舅姑病歿氏執喪不苟蔬
素食終三年

附

烈婦某氏

徐志康熙辛未秦晉大饑有一避荒婦人不詳其里氏攜
三尺女從夫至黃土崗夫染疫死爲乞條蘧殮其尸負土
瘞之哭三日勒其女繫於裙以自縊初同伴者哀勸促行
烈婦不聽且曰若死於他所寧能與吾夫同穴乎故卒成
厥志邑學生王超作詩傳其事越三十年邑學生申文蓮

爲文祭之且立石爲記鐫挽章於上以示表彰次年春復有逃亡夫婦饑餓不辱感此事縊死路旁邾諸生郭耦有詩哀之

右集傳

元

王大妻張氏年方念二夫亡撫二女誓不他適年至七十三歲而卒

明

周鎖妻王氏居陽石保年二十四夫亡內外無倚獨撫一子守節七十三歲而卒

薄希賢妻張氏居陽石保賢歷任來豐主簿南京武清衛經

歷卒於官氏扶櫬歸葬時二十六歲父母姑舅皆欲醮人而氏以死自誓撫三幼子教以詩書長子子華任陝西華州判官七十九歲卒

生員吳璵妻謝氏年二十歲璵亡績紡自給始終一節撫男從周成立

張惟高妻王氏居官庄保年十八歲夫亡撫柩痛哭數日不食縊死柩前

趙氏生員趙惠女許聘陳善化弟未及嫁惠死家貧善化聽弟毀親女曰我陳氏人陳不我容生復何爲母賈氏兄光哀勸莫挽但謂友光曰善事孀親乘隙自縊賈氏與

姑俱守節不渝院司扁其門從祀節孝祠

朱家珍妻于氏武進士都指揮東洋女年十六歸家珍未幾
家珍以詩書策勵搆疾牀褥者三年于氏奉湯藥如一日
籲天誓代形毀骨立及家珍卒氏屏飲食嘔血長號母姑
起相從地下已矣已而家珍卒氏屏飲食嘔血長號母姑
妯娌百方勸解不應但曰死足矣越七日斂衽拊視卒神
色如生異香不散繪形慮瞑俄而兩目炯然觀者駭倒邑
令陳揚善上其事觀風使徐申文奉旨坊表 從祀節孝

祠

蕭東陽妻李氏先是陽母李氏及伯母閻氏俱勵節孀居貧
甚陽負米百里外時隆冬大寒歸省母寢曰無衾奈何明
日入山刈稿草薦母重不堪任嘔血死氏年十九姪甫三

月已而生男日惟績紡拾遺禾野菜以養歲大饑姑度不能全欲氏嫁氏曰無論婦無再醮理卽今姑在堂兒在抱縱不念兒豈不念姑姑縱不憐婦寧不憐孫跪泣終夜守志終身里人號三節云 從祀節孝祠

宋登妻張氏幼年夫故子小孀居誓守貞潔貧紡度日撫男守秦成順成立氏年六十三卒

儒童趙龍光妻何氏光卒氏年十九歲子金榜甫一歲孀居四十二年懿節凜然

杜學妻侯氏學賃房居住病危囑氏改嫁氏但飲泣學故氏水漿不入口越四日夜半縊死柩側

廩生袁登庸妻宗氏夫故氏年十九歲卽欲相從地下以祖

姑在堂奉養無人媿居旁無子嗣紡績自苦終身一致

從祀節孝祠

廩生趙起龍妻蕭氏龍亡氏正芳齡絕粒誓死後以翁勸慰
遂身任家政克盡孝慈義方教子姑病瀝股合藥乃巾幗
之不多見者

張亮妻張氏亮娶氏未期歲死氏生遺腹子敬美撫育成丁
紡績易粟布事寡姑克孝終身

選貢楊燿妻栗氏邑大姓栗揖之女燿早逝無嗣一醮不改
生員傅連城妻徐氏連城攻苦早逝氏奉翁以孝聞撫遺孤
學業有成邑令范廷弼旌之

栗揚庭妻宗氏揚庭少故遺幼子民安民梁堅志苦節三十

餘年萬曆戊午邑令陳申請旌表 從祀節孝祠次子民

梁後中順治辛卯舉人

舉人栗民梁妻郎氏崇禎壬午閏十一月流寇破魯對夫投井以全大節

生員常新妻李氏崇禎十五年閏十一月闖寇破魯自縊

從祀節孝祠

生員馬龍驤妻栗氏崇禎十五年闖賊入城閉戶焚火火起

自縊

生員馬雲驤妻宗氏崇禎十五年逆賊開城舉火自焚

貢生李廷柱妻楊氏崇禎壬午流寇陷城氏登樓自縊約婢

女積油薪焚樓火起 化形銷

生員程丹桂妻袁氏年三十孀苦自矢勤儉教子崇禎壬午
閏月朔城破氏整服自縊懸絕復投井而逝其子正儒被
虜冒死逃歸同歿母袁氏得體於井卽掩之至順治丙戌
秋儒起而合葬又穴率妻李氏開視形色未改生氣凜凜
然從祀節孝祠正儒順治甲午拔貢任山東膠州同知

鄭加祥妻孫氏生男寢昌甫數歲加祥卽亡氏未及三十苦
節凡五十五年壽八十有四公姑之喪悉氏負土襄事星
初露晚鞭策弗輟以訓寢昌天啓甲子舉于鄉官至武昌
府知府

魯學訓田我理妻李氏崇禎十四年我理任魯八月十二日
疾故氏扶柩而泣五日湯水不進殉夫而亡

袁從龍妻張氏恪執婦道年二十夫故幼子維章方四歲遇亂登高墜亡

儒生賈瑞徵妻趙氏佐夫焚膏繼晷生三子自珍入鬻序夫故十年壬午城陷整衣自縊

詹夢暘妻毛氏夫故孀居十餘年苦節冰霜一經教子明末城破抱子投井祀節孝

儒士董天清妻李氏善事姑舅夫亡撫子生員熙明教以詩禮壬午城陷懸梁自斃

耆士詹夢麟妻徐氏生二子俱庠生闖賊破自縊而死

庠生馬生香妻袁氏素持孝謹壬午闖賊臨城誓不受染囑其子生員玉麟曰汝存孤嗣吾當自決遂與麟婦賀氏並

所出兩女俱繼爇尸以全節烈人祠從祀

生員傅忠良妻郭氏傳名世母夫早逝堅持苦節教子有方
流賊尅城不屈自縊

孫尙才妻董氏增生孫惟祚祖母也夫早亡甘心撫孤堅節
不易氏傳其三子澄淪析居獨季子溱率妻呂氏周旋膝
下事養醇謹孝友克敦里人樂傳邑令旌表之

生員袁湛然妻杜氏崇禎壬午年十一月流賊攻城將陷囓
其家人曰城破在即我誓不受辱因墜井而亡其子佩珂
後以明經成立

增廣生員袁廣生妻陳氏崇禎壬午流寇攻城甚急度不能
保謂其夫曰我一婦人耳死不足惜爾父若子身關宗祀

宜速潛逃囑畢自縊廣生痛哭攜手遁去後其子澍生孫
曰紳曰繡俱入黌序

朱承祚妻郭氏選貢郭維寧女也事翁姑至孝夫早卒節操
自矢伶仃孤苦撫子正令成人崇禎末流賊搜山因遇害
生員尹懋功妻陳氏慟夫戰死不受賊辱冒刃苦死

生員徐闇修妻賈氏崇禎壬午閏月朔城陷夫婦同虜賊殺
其夫氏衛夫罵賊亦被殺

陳振民妻周氏夫早故家貧氏績紡以供翁姑終喪葬訓孤
子素蘊入庠孀居二十餘年壬午逆闖破魯氏被執不屈
罵賊而死

生員陳鼎銘妻吳氏崇禎十四年寇亂氏義不受辱登樓自

焚事定僅得遺骸一股其子陳論陳語乃具禮與鼎銘合葬從祀節孝祠陳論性孝友十七入邑庠與弟語耕讀不輟至今四世同居人以爲節孝之報云

舉人賀英標妻羅氏其先世江右洪都人迺祖北遷于魯遂家焉與鄉賢賀義齋先生稱莫逆因適其孫英標標早登賢書明末授福建寧德縣教諭遺氏在家時氏年僅廿餘一子甫周歲及兵亂南北不通而標卒于任氏冰霜自矢茹苦節辛撫子成立以承賀氏祧語云死節易撫孤難其氏之謂與邑宰呂士龍旌其門從祀節孝祠

儒童江南繡妻宗氏事翁姑以孝謹稱崇禎十三年邑大饑繡出貨米供父母膳時饑民四起爲盜中途遇害氏年僅